

治河全書

治河全書

卷之二

上諭

皇帝勅諭兵部尚書兼都察院右都御史總督河道提督軍務
張鵬翮茲以總河閘漕運大計特命爾總督河道提督軍務
駐劄濟寧州凡山東曹濮臨清沂州河南睢陳直隸大名天
津江南淮揚徐賴各該地方俱照舊督理爾督率守巡河道
等官將各該地方新舊漕河及河南山東等處上源往來經
理遇有淺澀衝決堤岸單薄應該幫築挑濬者皆先事預圖
免致淤塞有礙運道合用人夫照常於河道項下附近有司
軍衛衙門調取應用其各省直歲脩河工錢糧但係河道工
程俱照近日新行事例通融計處支放務要規畫停當毋得

糜費若所屬大小官員果能盡心河務即據實舉薦有侵漁
溺職怠玩誤事及權豪勢要之家侵占阻截並違例盜取河
防應掣問者竟行掣問應叅奏者指名叅奏其河道緊要機
宜有干漕運督撫衙門會同計議施行若有重大事情奏請
定奪年終將脩理過河道人夫錢糧照例備細造冊圖畫貼
說奏繳或有土賊不時竊發慮河運為梗爾尚精選將領嚴
覈兵馬勤加訓練申明紀律如遇賊寇窺犯即督發鎮將官
兵勦滅勿使蔓延如有將領臨陣退縮殺良冒功及糧運稽
遲失誤軍機者武官自四品以下文官自六品以下會同巡

撫提督准以軍法從事鎮道等官飛章奏處務期消弭亂萌
保安地方其山東河南各巡撫悉聽爾節制河道軍務有開
載未盡者許以便宜舉行不從中制爾以才望簡用須踴竭
忠猷不避勞怨斯稱委任毋或因循怠忽及處置乖方有負
委託爾具勗之故諭

康熙三十九年三月十四日河道總督臣張鵬翮面奉

聖訓古人之法與今河勢不同其最緊要者黃河何以使之深

清水何以使之出爾詳加籌畫

康熙三十九年三月十四日河道總督臣張鵬翮恭聆
天語朕親書河工事宜二條差筆帖式馬泰交與于成龍你到
衙門查看就知河工流弊早已知有今日豈至今日而始言
也欽此欽遵臣到清江浦詢筆帖式馬泰檢出

御書

上諭一條由清字譯出係康熙三十八年七月初三日

上諭諭河道總督于成龍畫河圖去的董殿邦等於七月初三
日到來問你身上好麼伊說你臉色甚瘦如今你身上好了
麼飲食如何再細觀河圖內要緊應脩兩處今特諭在南方

面諭你将人字芒稻河緊急挑挖等諭聞得至今未曾動工
若真未動工大有所失似此遲誤不但運河東堤難保關係
民生最重如今若不緊緊挑寬五六十丈使不得為此又專
諭爾等又一件事看得河園內歸仁堤便民閘等口俱已堵
塞毛城舖以下等口俱未堵塞將便民閘等口堵塞毛城舖
等口所出之水將歸何處必定散漫各處民大受害此處關
係緊要宜速籌一策這二事外各處工程脩至何等光景將
水勢情形緊急奏聞為此特諭等諭又一件據馬恭回稱

御書

上諭已繳有錄出原稿係康熙三十八年三月初七日欽奉
上諭初六日到清水潭九里等處測量水平看得河水與湖水
相高二尺三寸九分這一帶隔湖石堤關係緊要宜當速造
朕在此處步行看工未見一箇做工之員着查明叅處至高
郵等處河水向湖而流河水似高一尺乘黃水未深通之前
這些處堤工雖一丈不可忽畧不可不急速備做為此特諭

康熙三十九年三月初七日河道總督臣張鵬翮面奉

聖訓引湖水使之由人字河芒稻河入江朕所見最真爾必須
要行

康熙三十九年三月初七日河道總督臣張鵬翮面奉
聖訓將黃河曲處挑挖使直水流暢快則泥沙不淤

康熙三十九年四月二十五日准工部咨為欽奉

上諭事都水清吏司案呈奉本部送工科抄出該本部等衙門
會覆兵部尚書范承勲等奏前事等因康熙三十九年三
月二十九日奏四月初八日奉

旨九卿詹事科道會議具奏欽此欽遵該臣等會議得先經臣
等會議以時至桃汛其未堵高堰減水壩暫行停堵將高
堰可脩之處乘時速行脩築完工如桃汛水發有脩築不
及之處停其脩築將物料備辦秋汛水落即行脩築完工
如別有善策將黃淮兩河並高堰堤工作何脩治裨益運

道民生之處所去大臣河道官員公同詳議速行具奏等
因具題奉

旨這本內事情着行文前往河工尚書范承勳等會同河道總
督這所議可否伊等意見又復何如之處速議具奏將董安
國所挑引河再行挑濬堵閉黃水倒灌清口之口或將清江
閘堵閉及查看脩理更接決口等工着侍郎常綬等前往看
閱具奏

康熙三十九年五月十二日准戶部咨為題明事雲南清吏司案呈工科抄出總漕桑格題前事康熙三十九年二月二十四日題三月十五日奉

旨這邵伯更樓決口自去歲奏報後屢據奏稱償工脩築乃迄今尚未報完以致漕艘十有餘隻漂沒擊碎其阻滯江干及瓜揚一帶地方不能前進者甚多遲誤漕運關係重大在工官員所司何事怠緩延玩殊為可惡著嚴加議處具奏仍著該督設法倍料兼工堵築刻期報完勿致再誤邵伯更樓係船隻往來要地已經衝決十箇月有餘船隻阻滯不能前進

之處桑格並不題報至于成龍故後始行具題不合著一併
察議具奏該部知道

康熙三十九年五月十四日接員外郎拖克施和中書張古禮傳奉

上諭康熙三十九年五月初六日大學士伊桑阿馬奇奉

上諭員外郎拖克施和中書張古禮著馳驛前往河道總督張鵬翮處將修過河工情形閱看伊等無有專責將工程令河道總督張鵬翮明白膳寫摺子交與伊等帶來啟奏

康熙三十九年六月二十五日接

欽差戶部員外郎拖克拖和齋捧

上諭內開康熙三十九年六月十五日

上諭諭大學士伊桑阿馬奇見在清口淤墊着差人往總河張

鵬翮處明年漕船行走有無遲誤至具漕糧裝載沙船可否

從江下海入黃河海口由中河行走此外有無另見之處議

明具奏

康熙三十九年七月十四日准工部咨為敬陳治河條例
仰祈

聖裁以固河防事都水清吏司案呈奉本部送工科抄出該本
部等衙門會覆河道總督張鵬翮題前事等因康熙三十
九年六月十七日題本月三十日奉

旨覽奏條陳河工弊端詳悉切要極其周備着九卿詹事科道
會同速行確議具奏

康熙三十九年八月初四日接筆帖式關住齋捧

上諭內開吏部科道行取官員事件於康熙三十九年七月二

十五日大學士伊桑阿馬奇摺本啟奏奉

旨見今遣人往張鵬翮處着將這次各省行取知縣職名抄出
問他此知縣內張鵬翮有曾經識認居官優為人好者着明
白開寫摺子即付遣去筆帖式關住齋回啟奏又河水情形
各處工程修理若何亦着明白開寫摺子並交與遣去筆帖
式齋回啟奏

康熙三十九年九月十六日准工部咨為欽奉

上諭事都水清吏司案呈奉本部送工科抄出該本部等衙門
會覆河道總督張鵬翮題前事等因康熙三十九年九月

初六日奉

旨總河職任宜專這遣往督修高家堰范承勳等九臣俱著撤
回其督修工程著交與總河張鵬翮餘依議

康熙三十九年十月初九日准工部咨為欽奉

上諭事都水清吏司案呈奉本部送工科抄出該本部等衙門
會覆河道總督張鵬翮奏前事請修歸仁堤堤河工程等
因康熙三十九年九月初十日奏本月二十四日奉

旨此事曾屢經面諭于成龍最為緊要乃于成龍性偏未行詳
看遷延時日以至於今觀張鵬翮所奏甚為合理此事所關
至要着九卿詹事科道會同速行詳議具奏起今年黃河水
小之時興工毋誤圖併發

康熙三十九年十月十二日准戶部等部咨為欽奉

上諭事雲南清吏司案呈吏部郎中葉舒題前事等因康熙三十九年九月十三日面奏奉

旨知道了摺子交與戶部欽此又康熙三十九年九月二十五日奉

旨總督阿山將修理沙船之處具題前因運河難以行走欲由海內運糧曾差官查看沙唬船隻總河張鵬翮既稱將運河淤墊處再加挑濬來歲糧船不致有誤等語是糧船不必海運總河張鵬翮又稱將沙船暫行取用此所查沙船俱給張

鵬翮應用之處交與該部議欽此欽遵又康熙三十九年九月二十九日繕寫摺子啟

奏本日奉

旨沙唬船水手應用什物見在俱有總河張鵬翮欲用若干着儘其取用將此船隻行文江南總督鎮江將軍委賢能官員押送應用勿致有誤餘依議

康熙三十九年十月二十日准工部咨為題明事都水清
吏司案呈工科抄出河道總督張鵬翮題前事

欽部事件扣除勘河日期等因康熙三十九年九月十三日題

十月初五日奉

旨張鵬翮前任江南江西總督朕南巡時任以事務見其料理
明敏非遲誤案件之人這事情着照所題行該部知道

康熙三十九年十月二十一日准工部咨為欽奉

上諭事都水清吏司案呈工科抄出河道總督張鵬翮題前事

請修中河等因康熙三十九年九月二十日題十月初七

日奉

旨前于成龍奏稱將中河改移朕屢經諭其恐有未便今張鵬
翮所議中河事宜甚當著照所奏行該部知道

康熙三十九年十月二十一日准工部咨為欽奉

上諭事都水清吏司案呈工科抄出河道總督張鵬翔疏稱武
家墩起至小黃莊止一帶舊石工椿朽石款必另行修砌
除撥發錢糧等事案內撥過銀五十萬兩外尚有不足銀
一十八萬六千二百四十八兩零應請撥給等因於康熙
三十九年九月十七日題十月初九日奉

旨這修築高堰不足銀兩着照該督所請速行撥給乘此冬令
水涸作速修築完工勿致遲誤該部知道

康熙四十年正月初六日准工部咨為欽奉

上諭事都水清吏司案呈奉本部送工科抄出河道總督張鵬
翻題前事挑濬下河墩鬚等河等因康熙三十九年十二
月初二日題本月二十日奉

旨這本內事情著照該督所題行該部知道

康熙四十年正月初六日准工部咨為估計挑挖引河以
資保固事都水清吏司案呈奉本部送工科抄出河道總
督張鵬翮題前事估挑時家馬頭對岸韓家莊對岸引河
工程等因康熙三十九年十二月初二日題本月二十日
奉

旨這本內事情着照該督所題行該部知道

康熙四十年二月二十八日准工部咨為河工底績可期
鑄漏尚宜早塞等事都水清吏司案呈奉本部送工科抄
出該本部覆河道總督張鵬翮題前事等因康熙三十九
年十二月十八日題正月二十五日奉

旨該部議奏欽此欽遵於正月二十六日抄出到部該臣等議
得先經刑科給事中陳詵以自天妃閘至清江浦共有五
閘必復天妃閘以塞其罅漏然後淮水可出又新舊中河
應多建閘座重運來時節級啟閉重運過後勿令常開等
因具題奉

旨這事應否可行着總河張鵬翮速議具奏該部知道

康熙四十年三月十三日接內閣中書殷德納捧

旨到臣內開康熙四十年三月初五日張鵬翮題請河員應照
臺灣例用賠脩錢糧應豁免等因據九卿會議不准行具
題摺奏奉

旨這本收貯爾衙門着爾衙門能馳馬中書一員前往張鵬翮
處張鵬翮悉知河務何處作為第一險要工程何處作為其
次險工何處作為歲脩工程詳加分晰逐段開明再何處衝
決應賠脩何處衝決不應賠脩之處一併定議具奏這本着
差去中書帶來啟奏

康熙四十年四月初三日准禮部咨為淮黃交會謹陳善
後二策以昭法守事儀制清吏司案呈奉本部送禮科抄
出該本部會同吏部覆總河張鵬翮題前事康熙四十年
正月二十七日題二月十五日奉

旨該部議奏欽此欽遵於本月十七日到部該臣等會議得河
道總督張鵬翮疏稱

皇上三閔河工區畫精詳請將治河

上諭與

宸斷治河事宜

勅下史館纂集成書更祈遴選進士舉人中年力英敏者發往
河工効力著有勞績遇缺題補等因康熙四十年三月初

五日題本月十一日奉

旨治河上諭及治河事宜著張鵬翮纂輯呈覽其進士舉人不
必遴選學習發往河工

康熙四十年四月初四日工部郎中王進楫傳奉

上諭對總河張鵬翮說保守高家堰第一要緊

康熙四十年四月初六日内閣中書殷德納捧

旨到臣內開康熙四十年三月二十六日大學士伊桑阿馬奇
王熙吳琬熊賜履張英學士法良辛保希福納傅紳范承
勳王九齡曹鑑倫等以九卿議覆總河張鵬翮題為河員
應照臺灣之例叙用及懇免賠修錢糧等事毋庸議並分
晰險要歲修工程摺子奏請奉

旨據張鵬翮疏稱自碭山縣起至海口止湖河自石碭起至高
家堰六壩止運河自大墩起至淮關止自寶應起至更樓止
自古城起至仲莊關止俱屬第一險要工程運河自淮安起

至涇河止自灣頭起至瓜州止自支河口起至貓兒窩迤北
止中河自劉老澗起至張家莊止俱屬其次險工等語但水
性靡常倏爾變遷歲修工程或變為險要險工淤塞即變為
歲修督理此等工程各官內亦有實心效力奉行者然不無
隨衆塞責之員豈可俱照臺灣之例一體叙用又疏稱九鄉
但知臺灣官員赴任去任俱有冒涉風濤之險殊不知風濤
之險河員不時冒涉等語其臺灣官員定有歷俸三年即行
陞遷之例本意迴殊並非僅為越海冒涉風濤起見張鵬翮
未悉此意這事情前者九卿題覆曾議准行與九卿無涉朕

以事關更改條例難以遽為准行故遣人詢問此情節張鵬
翮未嘗不知且河員現今俱係保題從優補授若將河員照
臺灣之例叙用必致更改條例如此更改則吏兵工三部條
例俱致更改矣今將河員若照臺灣之例叙用或仍補授河
工員缺乎或陞補他省員缺乎若陞補他省則河工歷練之
員同時陞去獨剩新任之員有無裨益河工之處未經議及
即今河員已經歷任二載其限三年自任事之日扣算或自
今歲明歲扣算又疏稱伊行年五十三歲再過三載能保尚
在河工等語如此則張鵬翮後接任河臣焉知從前官員賢

否乃欲將河員遽為陞用此等情由並未聲明行令張鵬翮
將三部條例逐一再行詳細確議具奏仍着原遣中書前去
將九卿議覆准行稿抄寫令前往中書齋去着張鵬翮看

康熙四十年五月二十九日為欽奉

上諭事接內閣中書李保柱捧

旨到臣內開康熙四十年五月二十一日大學士伊桑阿馬奇
王熙吳璵熊賜履張英學士法良辛保傅紳范承勲王九
齡曹鑑倫奉

旨高承爵奏報泗州盱眙地方水災著總河張鵬翮會同兩江
總督阿山親行察勘具奏前高家壩閉塞六壩時朕謂六壩
塞完後泗州盱眙等處必被水淹曾向九卿降有諭旨今六
壩方經開完洪澤湖水長泛溢泗州盱眙等處城郭田畝果

被水災高家堰堤益覺危險朕為此時屢於懷且天災靡定萬一有異常風暴及地動雷震之事亦未可知倘若高家堰至於危險則揚州淮安等處皆被災矣朕為此日夜甚切憂懼高家堰堤作何保守堅固或另有脩治善策着張鵬翮陳奏着差爾衙門中書一員前往

康熙四十年七月二十五日辰時准工部咨為欽奉

上諭事七月初九日奉

旨這堤岸修築防護着照議行前總河于成龍具疏欲將高堰
六壩堵塞蓄湖水以敵黃水疏通清口九卿覆奏時朕以為
高堰六壩若行堵塞湖水泛漲泗州等州縣必被水淹沒曾
諭九卿迨遣范承勲等堵塞六壩此非張鵬翮到任之後始
行堵塞頃因巡撫高承爵題報泗州盱眙水災朕勅張鵬翮
會同江南總督阿山踏看情形將泗州盱眙泛溢之水設法
修治作何賑濟蠲租令其奏聞又以洪澤湖水泛漲高家堰

堤工似致危險朕於此事時切躊躇若高家堰至於危險揚
州淮安等處州縣皆被淹沒朕為此日夜殊切憂懼高家堰
作何保守堅固更有何修治善策着張鵬翮陳奏曾遣人勅
諭張鵬翮稱病未往泗州盱眙今具疏稱泗州盱眙水災自
古已然即六壩全開泗州亦被水災臣往泗州查勘水勢情
形詢據土人云明季時有水災則泗州水災不繫六壩之開
按泗州誌載宋臣歐陽修先春亭記云民所素病而治其尤
甚者莫大於淮則知淮之為暴於泗自古而已然矣今清口
水流甚暢洪澤湖水漸消泗州水勢亦漸消且六壩既開之

後水不東注高郵寶應興化泰州山陽鹽城江都等州縣田地涸出民得耕種皆河伯效靈之所致等語朕着張鵬翮會同阿山將泗州盱眙泛漲之水作何設法築堤幫修或賑或蠲俱有益於災黎並非欲開高堰六壩救泗州盱眙之民而令淮揚百姓罹於水災也朕念黃河運河關係國計民生三次看閱河工屢行簡任河臣修築堤岸每歲不惜數百萬帑金解發夏月雨水時晝夜憂慮不時遣人看視凡被水災截留漕米盡出倉糧賑濟者總為拯救災民並非止救泗州盱眙百姓之災而淮安揚州等處百姓聽其罹災之意也據張

鵬翮謂泗州盱眙水災自古已然而淮揚水災亦素有也張
鵬翮奏稱六壩既開淮安揚州百姓俱免水災是但知淮揚
地方豈獨不知有泗州盱眙天下之大亦并不知其為愚昧
已至於極朕念四海一家凡有來朝見者必細詢雨澤田禾
見有居住賀蘭山後公允木春來見問陝省河西田禾雨澤
黃河水勢據允木春奏稱今歲自正月至六月滴雨未降黃
河水消二丈有餘西地賴黃河水引入田畝耕種今年因河
水小不但田禾即莖草亦未生發朕以陝西河西百姓作何
拯救雖督撫未經具題已晝夜籌度張鵬翮與衆河官乃謂

清口水出皆賴河伯效靈伊等效力所致此實因黃河水小
清口之水幸而得出并非伊等效力之所致也統一天下之
主坐視災黎不為拯救張鵬翮既係讀書之人此果載之何
記何書耶至張鵬翮題請議叙河員疏內明知朕有諭旨故
稱九卿未晰今覽此奏又含怒具題意謂必有人阻撓果如
此懸擬昏憤之極未有如張鵬翮者這事情又似鹽犯大賊
孔文恭之案希圖好勝冒昧不顧將取罪戾着將朕諭旨及
張鵬翮所奏一併刊刻於淮安揚州泗州盱眙等處編行張
挂令衆民觀看天下之人自有公論

康熙四十年九月十一日准工部咨為題報開放陶莊引
河日期事九月初一日奉

旨張鵬翮奏稱開陶莊引河黃河水向北岸流去等語若黃河
水向北岸流離清口甚遠乘此時自范承勳所築挑水壩起
寬長加築堤岸過清口將黃河清口之水儘向下流再合為
一處則黃河之水可永無倒灌之虞朕先曾面勅過于成龍
今在河官員亦有知者着張鵬翮將此事問知道的官員詳
明定議其修堤所需錢糧即為估計所修之處着畫圖速行
具奏此事甚為緊要不得輕忽該部知道

康熙四十年十一月二十二日中書永奇齋工部議覆總
河張鵬翮請將高郵州陸漫開岸改築土堤一事於康熙
四十年十一月十四日大學士伊桑阿馬奇吳琰熊賜履
學士辛保傅紳來道常壽來福范承勲曹鑑倫等摺本啟
奏奉

旨陸漫開西岸改築土堤內外鑲柴見今錢糧雖省但蘆柴易
至朽爛不能堅久二三年後又致重修張鵬翮在任時雖無
可虞若張鵬翮或離任或淮黃水漲有險危之處鑲柴工程
朽爛豈不更難着將這情由備寫差員前往張鵬翮處令其

確議具奏

康熙四十一年六月十八日准內閣咨康熙四十一年六
初三日大學士伊桑阿馬奇吳琿熊賜履學士來道常壽
鐵圖紀爾塔渾王九齡曹鑑倫劉光美等奉

上諭朕因永定河南岸不時衝坍特旨令將南岸修築石堤看
來甚有裨益今黃河兩岸自徐州以下至於清口通行修築
石堤可否永遠有益若果有益見在庫帑不為缺少朕於錢
糧一無所惜修築此堤應於何處採取石料作何轉運約計
幾年可以告成著張鵬翮齊集河員詳議具奏

康熙四十一年九月二十四日准工部咨為欽奉

上諭事康熙四十一年九月十六日奉

上諭諭吏戶兵工四部朕念黃淮兩河為運道民生所繫屢次南巡親臨閱視以䟽濬脩築之法指授河臣開六壩以來淮敵黃通海口以引黃歸海比歲以來工程次第告竣脩防漸有成效昨年冬月河臣張鵬翮曾以河工善後之策及應脩之處請朕親閱指示茲當農事之隙減約從員輕裝南下自徐州一路循視堤堰沿途皆設營帳不御屋廬日用所需悉已儲備經過地方一切供張宜通行禁止倘有官吏藉名科

派累及小民或指稱預辦擅動庫帑察出定嚴加治罪地方
大小文武官員與扈從官員託言親舊私相餽遺及隨從人
等有妄行生事者俱以軍法從事閭閻百姓各事本業不須
引避有懷挾私怨擅於駐蹕處所告訐者一概不准仍照律
治罪爾部即傳諭扈從人員並行各該督撫於所屬府州縣
徧張告示務令通知以副朕體恤民生至意特諭

康熙四十一年十月十七日准工部咨為恭報秋汛水勢情形事康熙四十一年九月二十日奉

旨覽奏挑水壩築成逼黃河大溜直趨陶莊引河循北岸而行黃水從大通口暢出海口極其深通淮水從清口暢流敵黃絕無黃水倒灌之患高家堰堤工完固加謹防守經伏秋大漲俱獲平穩運河水由涇河澗河人字芒稻等河分洩各處工程亦皆保固知道了該部知道

康熙四十二年正月二十六日奉

上諭諭戶部朕甲子乙巳兩次南巡路經東省見民生豐裕士
庶共慶近來淮黃告成朕不辭遠涉減從輕行待旦而興夜
分乃寐再經齊魯存問民生休戚不及甲子乙巳朕深惜怛
痼瘼之在懷也若閭閻蓄積有餘即遇有水旱亦不致困苦
今特加恩蠲恤用弘愛養朕所經地方德州平原禹城齊河
歷城長清恩縣夏津武城館陶臨清清平博平堂邑聊城東
阿陽穀壽張滕嶧二十州縣康熙四十一年未完地丁錢糧
著通行蠲免濟南府屬之海豐利津霑化兗州府屬之寧陽

滋陽泗水金鄉單曹鄆城曲阜費縣十二州縣去歲收成歉薄四十一年未完錢糧亦通行免徵其去歲曾被水災者東平新泰蒙陰沂水沂州萊蕪六州縣康熙四十二年錢糧以及四十一年未完錢糧亦俱着全免其泰安鄆城魚臺汶上嘉祥鉅野濟寧七州縣雖未成災四十一年未完錢糧俱着蠲免四十二年地丁錢糧着分三年帶徵爾部即移文該撫董率各州縣有司詳慎奉行務令人沾實惠戶有餘藏以稱朕重期黎元殷阜之至意倘有不肖官吏侵蝕私徵者察出定從重治罪爾部即遵諭行特諭

康熙四十二年二月初二日侍衛馬武傳

旨朕經過秦安州新秦縣蒙陰縣沂州郯城縣等處見民有饑色應急行賑救經過地方雖經賑濟蠲免錢糧但州縣倉穀年久朽爛無裨於散賑今着將總漕桑格漕米內二萬石交與張鵬翮揀選賢能官員運至濟寧州兗州府等處州縣減價平糶有應賑之處即行賑濟亦交米二萬石與桑格於秦安州一路散給又將收稅有力之官七員並發在京旗民犯罪降級贖罪人一百名伊等俱照養蒙古例以所用之多寡分別議敘

康熙四十二年二月初二日河道總督臣張鵬翔奉

上諭駱馬湖竹絡壩口門宜留

康熙四十二年二月初三日河道總督臣張鵬翮奉

上諭看黃河磯嘴壩太短不能逼溜今欲照永定河脩長挑水壩臣回奏永定河與黃河形勢不同黃河萬里而來勢大水深磯嘴加長一過長水易致衝壞河官慮賠脩之苦不敢接長又奉

上諭將一兩處試作長挑水壩即有衝壞免其賠補

康熙四十二年二月初三日河道總督臣張鵬翮奉

上諭煙墩甚險雖有趙堤必須保守縷堤此挑水壩應行建築

康熙四十二年二月初四日辰時河道總督臣張鵬翮奉
上諭桃源煙墩至龍窩一帶堤工卑矮應行加高

康熙四十二年二月初四日河道總督臣張鵬翮奏

上諭仲莊開清水出口通溜使南恐運口有礙應於陶家莊以下楊橫莊處著挑引河令中河之水從此出口於運口有益雖楊家莊地勢低窪即使倒灌不過一二里清水仍然頂出著即相度形勢估計具奏仲莊石閘暫停

康熙四十二年二月初五日河道總督臣張鵬翮奉

上諭歸仁引河開放分洩洪澤湖水勢若黃水加長恐清口水
弱着將祥符閘下板堵閉草壩將五堡閘應酌量開放以助
清水之勢

康熙四十二年二月初五日河道總督臣張鵬翮奉

上諭禹王臺沐水由沐陽入海其沐河淤墊之處應勘明疏濬

康熙四十二年二月初五日未定河分司齊蘇勒欽奉

上諭朕看黃河險要地方應下挑水埽壩見今未定河朕親指
示挑水等工俱有裨益齊蘇勒爾遵照朕指授方畧式樣前
往煙墩九里岡龍窩三處脩挑水壩數座試看有無裨益雖
被衝沒無妨工完之日着令該地方官盡心防守如有折陷
不時脩葺將此旨意說與總河張鵬翮速派賢員令其多備
料物夫匠於朕回鑾之前完工需用錢糧齊蘇勒與爾無干
不可經手工完之日將用過錢糧數目記明具奏如遇挑汎
水發即行停止

康熙四十二年二月初七日河道總督臣張鵬翮在御伯
更樓奉

上諭此地舊日被災形狀與今山東饑民無異豈朕今日觀此
地安居景象而忘山東之饑民乎朕念運糧賑濟關係緊要
乘今日順風爾作速回清江料理轉運截留漕糧差官前往
散賑距揚州十五里沙壩橋河道情形朕自細閱回鑒時面
說與爾知之

康熙四十二年三月初二日河道總督臣張鵬翮奉

上諭王公堤關係運道民生最為緊要堤岸單薄椿工漸朽應
再加幫以資捍禦不可因淤灘可恃而忽之也

康熙四十二年三月初三日河道總督臣張鵬翮奉

上諭王家營對過鮑家營開引河洩黃漲之水以保障清江淮
安地方著即開挖兩岸築堤以衛民田

康熙四十二年三月初三日河道總督臣張鵬翮奉

上諭高堰工程關係重大保守最為緊要朕今日乘舟由洪澤湖閱視見有殘缺石工以葦草鑲填倘遇水發危險堪虞聞至六壩見新脩石壩堅固方慰朕懷其殘缺石工著即興脩乘水未長之前完工以資捍禦

康熙四十二年三月初三日河道總督臣張鵬翮奉

上諭開減水壩須於水緩之處不可迎溜以防奪河

康熙四十二年三月初三日河道總督臣張鵬翮奏

上諭朕今見高家堰防險人員用候選縣丞經歷等微員不過
例監書辦出身家產微薄倘有疎忽干係不小須於候選職
銜稍大身家殷實者委其防險如此則彼知自愛身家又有
選用之望自然盡心防險有裨工程

康熙四十二年三月初三日總督河道臣張鵬翮奉

上諭黃河逢灣取直開挖引河必須於對岸水淺之處築挑水壩逼溜入引河方為有益

康熙四十二年三月初四日河道總督臣張鵬翮奉

上諭清口西壩乘此水淺再加長數丈有益

康熙四十二年三月初四日河道總督臣張鵬翔奉

上諭半路劉河流埽灣堤岸單薄應脩挑水壩

康熙四十二年三月初八日河道總督臣張鵬翮奉

上諭高家壩石工關係緊要必須嚴催早完

御製河臣歲癸未春日舟中書賜河臣張鵬副

自古水患惟河為大治之有方民乃無患禹疏而九平成彼
賴降及漢唐決復未艾漸徙而南宋元滋溢今河昔河議不
可一昔止河防今兼漕法既弭其患復資其力矧此一方耕
鑿失職澤國波臣病瘵已極肩茲鉅任曷容怠佚毋俾金堤
潰於蟻穴毋使田廬淪為蛟窟毋徒糜國帑而勢難終日毋
虛動畚築而功鮮覈實務圖先事盡利導策莫悔後時飾補
苴術勿以私而背公勿辭勞而就逸惟潔清而自持兼集思
而廣益則患無不除績可光冊示我河臣敬哉以勗